



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 05/7-39-1-115-79/22

Sarajevo, 18. 2. 2022.

M

PRIMLJENO:			
Organizaciona jedinica	Klasifikaciona oznaka	Broj	Broj priloga
05/7-39-1-115-79		18-02-2022	1/22

PARLAMENTARNA SKUPŠTINA BOSNE I HERCEGOVINE

- PREDSTAVNIČKI DOM
- DOM NARODA

**PREDMET: Izvještaj o radu Vijeća nacionalnih manjina
Bosne i Hercegovine za 2021. godinu**

Poštovani,

U prilogu dostavljamo Izvještaj o radu Vijeća nacionalnih manjina Bosne i Hercegovine za 2021. godinu, usvojen na 79. sjednici Vijeća nacionalnih manjina Bosne i Hercegovine od 25. 1. 2022. godine.

S poštovanjem,



Dostavljeno:

- naslovu
- a/a

FORM 1 (REVISED 1973)
FEDERAL BUREAU OF INVESTIGATION
WASHINGTON, D. C. 20535

SEARCHED	INDEXED	SERIALIZED	FILED
APR 11 1974			
FBI - MEMPHIS			

12

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**ДОМ НАРОДА
ПРЕДСТАВНИЧКИ ДОМ**

**DOM NARODA
PREDSTAVNIČKI DOM / ZASTUPNIČKI DOM**

Савјет националних мањина БиХ

Vijeće nacionalnih manjina BiH

Broj: 05/7-39-1-158-67/21
Sarajevo, 26. 1. 2021.

**IZVJEŠTAJ O RADU VIJEĆA NACIONALNIH MANJINA
BOSNE I HERCEGOVINE ZA 2020. GODINU**

Sarajevo, januar 2021. godine

Sadržaj

Sadržaj.....	2
I. Uvodne napomene.....	3
II. Sjednice i sastanci Vijeća nacionalnih manjina BiH.....	4
III. Aktivnosti Vijeća nacionalnih manjina BiH (pokrenute inicijative, zatražene informacije, razmatrani materijali i dodijeljene zahvalnice).....	5
IV. Učešće u radnim tijelima.....	7
V. Rad s medijima	8
VI. Zaključak.....	8

IZVJEŠTAJ O RADU
VIJEĆA NACIONALNIH MANJINA BiH
ZA 2021. GODINU

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina Bosne i Hercegovine („Službeni glasnik BiH“, br. 60/13 i 41/16) imenovala članove Vijeća nacionalnih manjina BiH.

Navedena Odluka o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) stavljena je van snage usvajanjem Odluke o Vijeću nacionalnih manjina Bosne i Hercegovine („Službeni glasnik BiH“, broj 10/21).

I. Uvodne napomene

Na osnovu člana 5. stav (1) Odluke o Vijeću nacionalnih manjina Bosne i Hercegovine (u daljnjem tekstu: Vijeće), utvrđeno je da Vijeće daje mišljenja, savjete i prijedloge Parlamentarnoj skupštini BiH o pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 5. stav (2) navedene odluke, Vijeće može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava kada raspravljaju o pravima, položaju i interesima nacionalnih manjina.

U Vijeće su imenovani:

1. HALIL BICAJ (Albanac),
2. DRAGAN MARKOVIĆ (Crnogorac),
3. JOVANKA MANZALOVIĆ-ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ-JUHAS (Mađarica),
7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAC (Nijemac),

10. DEJAN PIOTROVSKI (Poljak),
11. HAKAN VARAN (Turčin),
12. SILVIJA VUJOVIĆ (Rumunka),
13. MARIJA GRBIĆ (Slovenka),
14. ANDRIJA SVATOK (Ukrajinci),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom),
18. DAVOR EBNER (Austrijanac).

Stručnu i tehničku pomoć Vijeću, u skladu s aktima Parlamentarne skupštine BiH, pružaju zaposleni u Uredu sekretara Zajedničke komisije za ljudska prava.

II. Sjednice i sastanci Vijeća nacionalnih manjina BiH

U izvještajnom periodu, u toku 2021. godine, Vijeće je održalo 12 redovnih sjednica, te razmatralo 51 tačku dnevnog reda, ne računajući podtačke, teme i inicijative iznesene prilikom rasprave o 'tekućim pitanjima':

Redni broj sjednice i datum održavanja	Broj razmatranih tačaka
67. sjednica, 1. 2. 2021.	4
68. sjednica, 26. 2. 2021.	5
69. sjednica, 25. 3. 2021.	5
70. sjednica, 23. 4. 2021.	4
71. sjednica, 21. 5. 2021.	6
72. sjednica, 9. 6. 2021.	4
73. sjednica, 7. 7. 2021.	3
74. sjednica, 26. 8. 2021.	4
75. sjednica, 16. 9. 2021.	4
76. sjednica, 25. 10. 2021.	4
77. sjednica, 19. 11. 2021.	4
78. sjednica, 9. 12. 2021.	4
	UKUPNO: 51

Na sjednicama Vijeća raspravljalo se o tačkama koje su bile predviđene Planom rada Vijeća za 2021. godinu, ali i o temama koje su se, kao neophodne i hitne za rad i opstanak udruženja nacionalnih manjina, pa i život pripadnika nacionalnih manjina u Bosni i Hercegovini, nametnule posebno s obzirom na pandemiju COVID-19 u toku 2021. godine.

Osim redovnih sjednica, članovi Vijeća nacionalnih manjina BiH održali su i sastanak u Bijeljini 26. 8. 2021. s gradonačelnikom Grada Bijeljine Ljubišom Petrovićem i šefom Ureda za nacionalne manjine Grada Bijeljine Ljubišom Stanišićem. Na sastanku se razgovaralo o položaju nacionalnih manjina u gradu i cijeloj regiji Semberije. Sastanak je bio i povod usvajanja zaključka da sastanci između Vijeća nacionalnih manjina BiH i gradonačelnika Grada Bijeljine postaju obavezna praksa i održavaju se jedanput godišnje, radi razmjene iskustava i sagledavanja stanja po pitanju položaja nacionalnih manjina.

Također, članovi Vijeća nacionalnih manjina BiH održali su i sastanak s članovima Savjetodavnog odbora eksperata Evropske povelje o regionalnim ili manjinskim jezicima 9. 12. 2021.

III. Aktivnosti Vijeća nacionalnih manjina BiH (pokrenute inicijative, zatražene informacije, razmatrani materijali)

Vijeće je, u toku 2021. godine, pokretalo inicijative, tražilo informacije te razmatralo druge akte po kojima je upućivalo dopise i tražilo preduzimanje aktivnosti, a između ostalog:

- razmatralo Informaciju s drugog online sastanka Koordinacionog odbora Vijeća Evrope u Projektu „Promocija različitosti i jednakosti“, na kojem je usvojen Poslovnik Koordinacionog odbora, te je od predstavnika Ministarstva za ljudska prava i izbjeglice BiH Salihe Đuderije i Aleksandre Jarić dostavljena informacija o izradi V. izvještaja, kao i o projektima koji će biti realizirani u vezi s Vijećem nacionalnih manjina BiH i raspodjelom grantova;
- tražilo informaciju i, po njenom zaprimanju, reagiralo na dopis Savjeta nacionalnih manjina Republike Srpske u vezi sa izradom Strategije za unapređenje i zaštitu prava pripadnika nacionalnih manjina RS;
- tražilo informaciju o dodijeljenim sredstvima granta za pripadnike nacionalnih manjina, posebno za romsku manjinu, u 2020. godini, na koju nije dobilo odgovor;
- tražilo informaciju od Ministarstva za ljudska prava i izbjeglice BiH o dodijeljenim sredstvima granta udruženjima nacionalnih manjina tokom 2020. godine, o čemu je informirano usmenim putem;

- tražilo informaciju od Ureda Vijeća Evrope u BiH o dodijeljenim sredstvima granta udruženjima nacionalnih manjina tokom 2020. godine, o čemu je informirano u usmenom i pisanom obliku;
- razmatralo Informaciju o statusu Odluke o Vijeću nacionalnih manjina BiH, te raspisivanju javnog poziva za kandidiranje u članstvo Vijeća nacionalnih manjina BiH;
- razmatralo Informaciju za Zajedničku komisiju za ljudska prava Parlamentarne skupštine BiH o aktima kojima se regulira rad Vijeća nacionalnih manjina BiH;
- razmatralo pitanja korištenja jezika nacionalnih manjina u BiH, potrebe saradnje sa Savjetom i Savezom nacionalnih manjina Republike Srpske i donošenja strategije za nacionalne manjine Bosne i Hercegovine;
- razmatralo odgovore na upitnik Vijeća Evrope o provođenju principa iz Okvirne konvencije za zaštitu nacionalnih manjina;
- uputilo dopise načelniku Općine Ilidža i predsjedavajućem Općinskog vijeća u vezi s deložacijom romskog naselja iz Velike aleje, te razmatralo odgovore od nadležnih po ovom pitanju;
- razmatralo Informaciju o hronološkom pregledu aktivnosti i statusu provođenja presude u predmetu *Sejdić i Finci protiv Bosne i Hercegovine*;
- razmatralo Informaciju o početku realizacije Programa "ROMACTED II" 2021-2024. u Bosni i Hercegovini;
- razmatralo Izveštaj s 3. sastanka Koordinacionog odbora za nacionalne manjine;
- upućivalo dopise nadležnim organima vlasti u vezi sa osiguravanjem finansiranja udruženja nacionalnih manjina;
- tražilo informaciju od Odbora za Rome u vezi sa izlaznošću Roma na lokalne izbore, o čemu nije informirano;
- razmatralo pitanja tehničke opremljenosti Vijeća nacionalnih manjina BiH;
- usvojilo Raspored troškova Vijeća nacionalnih manjina BiH za 2022. godinu;
- razmatralo Informaciju i uputilo dopise o usvajanju kriterija za formiranje Vijeća nacionalnih manjina Brčko Distrikta BiH;
- razmatralo moguće prijedloge izmjena/dopuna Izbornog zakona Bosne i Hercegovine, s fokusom na različite modele za unapređenje i modernizaciju izbornog procesa i provođenje presuda Evropskog suda za ljudska prava;
- razmatralo Informaciju o posljedicama neusvajanja Zakona o Budžetu institucija BiH i međunarodnih obaveza BiH za 2021. godinu po nacionalne manjine u BiH;

- razmatralo Informaciju o mjerama i radnjama policijskih službenika Uprave policije Ministarstva unutrašnjih poslova Kantona Sarajevo po prijavi nestanka maloljetne Romkinje, te upućivalo dopise nadležnim institucijama s podrškom za preduzimanje neophodnih aktivnosti u ovom slučaju, te zaprimilo informaciju Suda BiH;
- tražilo od Ministarstva finansija BiH informaciju o mogućnosti rješavanja problema finansiranja i izdvajanja dijela sredstava u Zakonu o budžetu institucija BiH i međunarodnih obaveza BiH s ciljem osiguranja finansiranja i opstanka udruženja nacionalnih manjina u Bosni i Hercegovini, o čemu je informirano usmenim putem;
- tražilo od Ministarstva za ljudska prava i izbjeglice BiH informaciju o mogućnosti rješavanja problema finansiranja i izdvajanja dijela sredstava u Zakonu o budžetu institucija BiH i međunarodnih obaveza BiH s ciljem osiguranja finansiranja i opstanka udruženja nacionalnih manjina u Bosni i Hercegovini, o čemu nije zaprimilo informaciju;
- razmatralo postojeće odredbe Izbornog zakona BiH i uputilo dopis Interresornoj radnoj grupi za izmjene izbornog zakonodavstva s molbom za iznalaženje adekvatnog rješenja problema predstavljanja nacionalnih manjina od nelegitimnih predstavnika manjina;
- razmatralo Informaciju i tražilo podatke od Federalnog ministarstva pravde i Vijeća nacionalnih manjina Federacije BiH o uspostavi i izboru članova Vijeća nacionalnih manjina Federacije BiH, koji su i dostavljeni.

IV. Rad s medijima

Članovi Vijeća (Andrija Svatok, Davor Ebner, Eva Pašić-Juhas, Nedžad Jusić, Tihomir Knežiček) gostovali su u različitim radio i televizijskim emisijama BHRT-a, RTS-a i Radio-televizije Tuzlanskog kantona, dok su vijesti o zasjedanjima i glavnim zaključcima prenošeni u pisanim i elektronskim medijima.

Također, rad Vijeća pratio je Sektor za odnose s javnošću Parlamentarne skupštine BiH, te su informacije o radu Vijeća redovno objavljivane na veb-stranici Parlamentarne skupštine BiH.

V. Zaključak

Vijeće je tokom 2021. godine, uprkos različitim ograničenjima izazvanim pandemijom COVID-19, dobro i efikasno radilo. Ipak, Vijeće naglašava da se, i pored višestrukih pokušaja, veoma često nalazilo u situaciji da na svoje upite po različitim pitanjima – upućene institucijama Bosne i Hercegovine ili drugih nivoa vlasti u Bosni i Hercegovini, ostane bez odgovora ili reakcije, što smatra posebno zabrinjavajućim. Neodgovornost institucija prema

jednom stalnom, savjetodavnom tijelu Parlamentarne skupštine BiH, ali još važnije od toga – prema tijelu koje zastupa važan dio stanovništva Bosne i Hercegovine, nedopustiv je, te Vijeće poziva Zajedničku komisiju za ljudska prava i domove Parlamentarne skupštine Bosne i Hercegovine na reakciju i potrebu da se ukaže na nedopustivost ovakvog djelovanja.

Predsjedavajući
Vijeća nacionalnih manjina BiH
Andrija Svatok

